


I N
HENRICI III.
GALLIARVM, ET
SARMATIAE REGIS
POTENTISSIMI

Ad urbem Venetam Aduentum.

OCTAVIANVS MENINVS.



Venetijs, ex Typographia Guerræa.

M D LXXIIII.





IN HENRICI III.

GALLIARVM ET SARMATIAE

REGIS POTENTISSIMI

Ad urbem Venetam aduentum.

OCTAVIANVS MENINVS.



*AERVLEOS nunc pande si-
nus gratissima Regum,
Diuūmq; sedes Adria;
ET gremio ingenti iuuenem felicia
cinctum
Gemmis, & auro tempora,
Heroasq; nouos placido simul excipe vultu,
Fauslum ferentes huc pedem.
Tum Vos ò vitreis centum Nereides antris,
Quosunque & vnda habet Deos,
Pellentes leuibus spumantia marmora palmis
Ad hac volate littora*

Cernere erit caput Imperijs fatale regendis ,
Quod tangit astra vertice ,
Cernere erit cultusq; nouos , fulgentiaq; arma ,
Pompasq; non visas prius .
Viq; virum densi complerint omnia catus ,
Tectis & effusi patres ,
Et iuuenes pariter , matresq; , nurusq; Latina
Huc undecunque fluxerint .
Salue magne Heros , salue : Tu ne inclitus ille es ,
Cui paret ora Sarmatis ?
Quam gelidus Tanais magno discriminat amne ,
Et pulchra findit Istula .
Felices populi , felix Erymanthidos Vrsæ
Subiecta tellus Syderi
Illic & Boreas didicit mitescere , & auras
Afflare molles floribus :
Illic & facies cæli iam clarior , illic
Soles micabant purius .
At te magnanimum mundi brevis angulus ille ,
Vix orbis & totus capit .
Altera regna tibi debentur , & altera sceptrum
Istam repossunt dexteram .
Iam tibi fessa manus trans altas porrigit Alpes
Supplex recumbens Gallia .
Ab te ne Scythiæ capiat tam dira cupido ,
Ut immemor sis patriæ .
Quam tu illam , quæ regna tuo iam surgere cernes
Præsente præsens numine ?

Vultus

*Vultus ubi patrijs tuus iste affulserit oris ,
Ut dulce Ver fugans nives ,
Protinus auertet trepidum Discordia gressum ,
Et Pax redibit aurea ,
Quæq; suis squallent viduata ciuibus Urbes
Cultu nitescent iam nouo .
Tum centum è Pario surgentia marmore templa
Pijs calebunt ignibus .
Materiem bellis tantum , clarisq; triumphis
Eoa præbebit domus ,
Et Nilus Septemgeminus , vel Medus Hidaspes ,
Extrema & ora Persidis .
Infelix , decus Europæ , Lux unica mundi ,
Qui flexit in te lumina .
Iam Ligeris , Rhodanusq; celer , magnusq; Garumna
Non inuidebunt Tibridi .*





AD CATHERINAM

VALESIAM POTENTISSIMORVM

Galliæ & Sarmatiæ Regum matrem
felicissimam.

OCTAVIANVS MENINVS.

Scripta fuit hæc Ode viuente adhuc CAROLO,
Et HENRICO tunc primum Regnum adepto.



*RECVNDA Regum Mater,
honoribus*

*Tot aucta, tali progenie, Deum
Aequanda vel magna parenti,
Altera vel merito vocanda*

Matrona Iuno, Te patria, Et tuus

Miratur Arnus, te Tiberis potens

Te celsa sedes Vaticani,

Te Latium veneratur ingens,

Natæ

*Natis beatam , quos simul aspicias
Frænare gentes Imperijs , simul
Gemmis coronatos , & auro
Ceu geminos radiare soles .*

*Dat iura maior , Gallia qua patet
Immensa , Rheni cornua , & arduam
Inter Pirennen , obstrepentemq;
Oceanum , aerias & Alpes .*

*At Iuniori Sarmatici vides
Delata regni sceptrâ Aquilonibus
Ab usque pulsata sonoris
Hercinia , & Scythico profundo .*

*Diuisa nostro limite scilicet
Gens , at Latina præsidium rei ,
Cultusq; non expers , & aris
Innumeris venerata Diuos*

*Recte merentem prætulit hospitem ,
Trophæa , dextramq; , & genus , & domum
Mirata , & auditos sub Arcto
Magnanimi iuuenis triumphos .*

*Nam cum Gigantum progeniem nouam
Modo horruisses , quæ superos (nephas)
In bella poscebat , Iouisq;
Eruere Imperium parabat ,*

*Hic & minaces contudit impetus ,
Et seuâ pugnâ proruit agmina ,
Ceu fulmen erumpens tremendo
Nubibus oppositis fragore .*

Quamquam

Quonquam iuuenta Ver ageret nouum,
Cruoris expers, nec solitus femur
Armare ferro molle, dura
Nec galea cohibere crinem.

Salve ò Valesi gloria sanguinis,
Alumne Martis; te nihil altius
Possit videre, illustrius ue
Phæbus ab Hesperijs ad Indos.

Te noscet alto flumine Vistula,
Subiecta Septem Terra trionibus
Te noscet, extremumq; littus,
Qua glacie cohibetur vnda,

Audire victum iam videor Scythen
Se se in remotis condere rupibus,
Hebrumq; & Euphraten subactum,
Quæq; celer secat arua Tigris:

O vocis huius pars aliqua ad tuas
Accedat aures, & placidus cani
Urbesq; deuictasq; gentes
Carminibus patiari nostris.

At tu reuisens sera polum, diu,
Regina, præsens hic maneat Dea,
Hic lata contempleris orbem
Talibus auspicijs beatum.

